

Headline	Penuntut UUM selami kehidupan pelajar miskin		
MediaTitle	Sinar Harian (Utara)		
Date	12 May 2014	Language	Malay
Circulation	25,000	Readership	75,000
Section	NEWS	Color	Full Color
Page No	23	ArticleSize	260 cm ²
AdValue	RM 1,500	PR Value	RM 4,501



Penuntut UUM selami kehidupan pelajar miskin

KUALA NERANG - Bagi memupuk sifat membantu dan menyelami kehidupan golongan kurang berkemampuan, seramai 65 pelajar dari Universiti Utara Malaysia (UUM) menyertai program 'We Care We Share' bersama pelajar miskin di Baitul Mahabbah Al Hashimi, Belimbing Kiri, Jalan Padang Sanai, baru-baru ini.

Program selama sehari itu dianjurkan pelajar dari Fakulti Perbankan dan Kewangan UUM dengan kerjasama Persatuan Pemborong Beras Melayu Utara.

Penyelaras program, Nurul Suhada Mohd Ibrahim, 24, berkata, pihaknya memilih pusat itu untuk mendekatkan mahasiswa dengan pelajar kurang kemampuan.

Katanya, program itu secara tidak

langsung melahirkan sifat kasih sayang antara kanak-kanak yang kurang bernasib baik bersama mahasiswa UUM. Ini dapat dilakukan dengan

mengadakan pelbagai projek kebajikan serta memberi semangat kepada mereka untuk belajar bersungguh-sungguh.

"Dalam program ini mahasiswa akan memberi bimbingan tentang pelajaran kepada 40 kanak-kanak kurang kemampuan serta memberi motivasi kepada mereka supaya

menjadikan pelajaran penting untuk masa hadapan mereka," katanya.

Program itu dirasmikan Adun Kuala Nerang, Badrol Hisham Hashim dan turut hadir Presiden Persatuan Pemborong Beras Melayu Utara, Datuk Zulkifli @ Ros Ahmad.

Badrol Hisham berkata, beliau berterima kasih kepada mahasiswa

UUM yang memilih Kuala Nerang terutamanya rumah kebajikan itu bagi mendekatkan lagi golongan mahasiswa dengan pelajar kurang bernasib baik.

"Saya mengalu-alukan segala program terutamanya golongan mahasiswa yang datang bagi menyelami kehidupan penduduk di kawasan ini serta memberi motivasi kepada kanak-kanak di Kuala Nerang.

"Golongan mahasiswa ini juga terdiri dari pelajar luar dari Kedah dan diharap dengan kedatangan mereka di kawasan ini akan dapat melihat adat resam di sini serta keindahan alam semula jadi yang terdapat di daerah Padang Terap ini," katanya.



Badrol Hisham dan Zulkifli (tengah) bergambar kenangan dengan pelajar UUM serta pelajar miskin di Baitul Mahabbah Al Hashimi, Kuala Nerang.